

西
堂
文
集

何事

何事竟頭白青春一放翁乾坤羞髀肉日月誤
雕蟲藜杖侵苔潤藥欄啄鳥紅經年常晏起非
是避牆東

恭士曰開首叫起一篇完何事二字
妙合章法

偶作呈宋二

精悍推徐五飛騰憶賈三每當窮正變細與辨
青藍萬卷攻吾短千秋愧汝諸幸爲乘少壯努
力事幽探

恭士曰二首直如說話千淘百洗一
塵不留靖節云秋氣澄餘滓杳然天

畧高有可
想像而已

送何三果

自註何龍眠人

回首論交十五年舊遊常自憶龍眠飄零何遜
官無興潦倒候羸地最偏老計相憐狂態拙清
時莫負酒杯賢送君明日東門道謾聽驪歌是
偶然

恭士曰空潭入情是
送忘形之交之作

聞蟬和宋二舉

曉起鳴蟬靜秋聲動遠空披襟宜永日入戶况
涼風羣命亦云得孤音非所同庶幾飲清露戢
翼托高叢

恭士曰寄深而筆曠一讀有超然
之致再讀有幽澁之思

羣盜

草木艱難已莫居誰令群盜更乘虛營田本欲
歸戎馬濬壑須防縱巨魚

時有屯田
挑河之夜

豈謂民勞

關至計終於帝力望新除郎今樞相巡行日驛
使應先痛哭書

時命洪太
孫南征

隋堤

隋家天子綠楊堤萬古春風野鳥啼幾處吹簫
雲漠漠經時拾翠草淒淒龍舟想象牙橋入綠
袖虛無簇仗齊寂莫宋城南向望老人獨自杖

青藜

題宋牧仲古竹圃

悠然過竹圃長夏有清陰何處孫登嘯偏且向
秀林善交翻閉戶高臥本從心濁酒勞相勸今
知靜者深

梁園懷古

驅車荒城隅昔是梁王園當日賓客館離離百
草蕃鄒枚自奇士文采何翻翻遂使辭賦業遠
託金石尊况彼經術子菁華有本根著述非所

康熙丙寅新鐫

太史尤悔菴
西堂全集

一刻文集

一刻詩集

一刻樂府

一附湘中草

金閭周君卿梓行

西堂文集總目

西堂雜組一集八卷

西堂雜組二集八卷

西堂雜組三集八卷

弘覺國師語錄 一則

上一日慨歎塲屋中士子多有學寡而成名才高而淹抑者如新狀元徐元文業師尤侗極善作文字僅以

鄉貢選推官在九王攝政
時復緣事降調豈非時命
大謬之故耶師云恣聞之
君相能造命士之有才患
皇上不知耳

上旣知矣何難擢之高位

上曰朕亦有此念因命侍臣
取其文集來內有臨去秋
波那一轉時藐

上與師讀至篇末云叅學人

試于此下一轉語

上忽掩卷曰請老和尚下師
云不是山僧境界時昇首
座在席

上曰天岸何如昇曰不風流

處也風流

上爲大笑

先是戊戌秋王胥庭學士侍講筵次

上偶談老僧四壁皆画西廂却在臨去秋波悟禪公案
學士隨以侗文對

上立索覽學士先以抄本進復索刻本

上覽竟親加批點稱才子者再因問侗出身履歷爲歎
惜久之仍

命取全帙置案頭披閱他日又摘討蚤檄示學士曰此奇文也問有副本否答曰無遂

命內府文書官購之坊間不得繼購之同鄉諸公不得至十月中伺適過都門使者跡至旅次攜一冊去裝潢進呈

上大喜召學士示之且指宗伯序以前未見爲言實學士私爲裁去此宗伯告予云亡何有以伺所著讀離騷樂府獻者

上益讀而善之令梨園子弟播之管絃爲宮中雅樂以爲清平調之比也庚子二月

上幸南海子

顧問徐狀元元文與侗師弟源流受業本末因大加稱
獎頃之又問侗以何事降官今當補何職頃之又問
侗年貌若何徐一一奏對蓋一日之間垂詢者三焉
至五月中復與弘覺禪師問答如右今辛丑三月侗
始得其集而讀之則

大行賓天矣不勝感歎涕泣而不能已嗚呼史稱漢武
帝讀子虛賦恨不與此人同時而成帝時或薦揚雄
文似相如遂令陪祀甘泉文人奇遇傳爲美談侗之
鄙陋雖不及二子至如

聖德賢于前王遠矣或者謂相如位止園令楊雄老于
執戟若侗者并不獲登玉階而見

天子一奏尺寸之伎誠如

上諭豈非命耶然昔人有言日受千金之賞一歲九遷
其官感恩有之知己則未者

先帝之于侗惓惓不忘知己之至也天下有一人知己
可以不恨况君臣之際乎鼎湖一去泣血普天澤畔
餘生攀髯無地侗固已矣惟是

先帝憐才好文甚盛之心深懼隱而弗彰故敢述之簡
端以備史闕且使後之覽者有感遇之悲云爾

序

西堂雜組者永平司理尤公展成之所著也展成以沈博絕麗之材馳聲莠苑所爲操觚滿志者亦旣綜西京之爾雅擅晉魏之蔚然矣迨出理大郡神明之譽聲噪三輔而門庭肅然常若無事復肆力于撰著予嘗歎古之以治行稱者如傳記之所載潁川南陽輩出聲施赫奕而文詞不槩見若夫晉之彭澤唐之蘇州治行未聞其爛然史冊而詞章至今傳之豈文詞與治行有異致歟自古能兼之者何鮮也嗟乎天地間萬物之情莫不各有所至學者誠得其所至凡山川之所以悠浩日月

之所以晦明鬼神之所以微顯禽魚草木之所以飛游
翥蔚無不可以其所至以各得其情于以抗聲藻而副
治理夫寧有異哉展成亦惟得其情之所至耳友人徐
公肅自永平來述展成之意以斯集屬序于予予時方
棲遲西山覽睹低徊久之因陟巉巖陰枯柏讀其賦騷
以下所謂漱芳六藝採遺千載非山間之蒼崖霞落古
澗泉飛乎讀其文傳序記所謂澄心渺慮耽思傍訊非
山間之翠澈雲除層巒雨沐乎讀其論贊銘判所謂躋
躅于意表者斯山間之風入松霧迷壑蟠虬兕而翔鸞
鶴者庶幾似之讀其說問連珠諸類端而曼曲而直正

如平林日上禽繁山響誠可以暉曠遠矚藻澈遐心矣
予媿無文未能窺其所至亦藉山中所睹以彷彿之付
公肅以復展成異日者采士民之歌按考功之績爲之
敷揚治行者尚未有艾也以視古人所鮮能兼者展成
優然如此其以照耀千古爲何如哉

順治乙未仲夏宛平王崇簡題于香山之來青軒

自序

蓋聞漆園著書篇有內外之異章華作賦言有大小之殊相如以合組稱詞安石以碎金題語六經而後百氏繁興裨官野史皆助叢談雜纂方言並供絕倒未可執其一說芟彼諸家矣江淹有云楚謠漢風旣非一骨魏製晉造固亦二體譬猶藍朱成彩錯雜之變無窮宮商爲音靡曼之態不極故蛾眉豈同貌而俱動于鬼芳草寧共氣而皆悅于覓不其然與劉勰之撰文心頗窺衆妙蕭統之序文選略見一斑陸機之賦擊壤之論各能司契已自升堂夫才旣世生藝亦區別倉庚鴻鴈難使

齊聲腐草楊花孰窮變象要以南轅北轍易地皆然尺
短寸長相去無幾乃末學拘墟非今是昔輒謂三百篇
來無詩十九首後不古推斯以談則兩京兩都此外無
賦九歌九辨此外無騷世家列傳獨有龍門詔令表章
不出虎觀遂令後生小子含毫布策莫敢發聲規步架
趨鮮能吐氣此不平之甚也以愚折之間情麗色詎讓
巫女洛神曲池遠山未減湘君山鬼虬髯紅線爭游俠
刺客之奇諾臯杜陽競汲冢越絕之奧蚊陣露布髣髴
陳琳修竹彈文頡頏任昉玉臺一序上配西河文冢一
銘俯視下蔡送窮頭責嘲戲之遺耕祿加恩制誥之比

以至鳥鳴有書蔬菜爲譜画皆成史茶亦名經鉛槧紛
淪汗牛難載苟使秦火不焚魯壁未朽則釐言片字咸
能飛光弄響自走于天地間豈必探羣玉之笥發二酉
之笈然後謂之文乎今夫泰華黃河高深至矣而登天
台涉鴈蕩者山川之秀邈然懷之阿房建章壯麗極矣
而入迷樓游綺閣者宮室之美欣然樂焉其于文也亦
若是而已矣僕少有書癖長而舌耕小許誦樹之年已
能受簡子安序閣之歲差解操觚顧八股之業束縛日
深四聲之作嘲弄時有間乘端暇偶寄瑣言上之不能
簪筆廟庭獻長楊上林之賦次之不能枕經巖穴傳潛

夫抱朴之篇雕蟲之伎悔已難追雞肋之餘棄復可惜
竊嘗謂彤管芍藥辭雖艷而不刪天問招蒐義雖激而
有取月露風雲本淵雲之創體嬉笑怒罵皆髡朔之流
風固無解乎駢枝或猶賢乎博奕誰云尚白聊爾殺青
顏曰西堂願附靈運惠連之後名爲雜組庶幾王融沈
約之餘蔡中郎見而秘帳非所望焉陸士衡取以覆餅
殆其宜矣

跋

吾師展成夫子少擅才名鞭驅繡虎夙雄翰墨高視靈
蛇吳楚燕齊悉訂紵衣之好山川雲物盡抒黃絹之辭
一時西園諸彥鄴下羣才總轡連鑣競雍容乎讌會雲
合霧集爭歌咏于林泉席上揮毫捷似禰衡之鸚鵡坐
中談笑奇如庾信之鴛鴦九愍七徵平原讓其才藻清
江湘竹劉蛻遜其風華錦囊之隻字皆工武庫之片言
足採乃至生逢喪亂徑滿蓬蒿江總彷徨于故居杜甫
牢騷于秋序人琴感歎因子敬而悽愴景物流連爲閭
公而作賦甚者以阮瑀之才戲作雨師之檄亦或以蕭

何之律移爲磔鼠之文固已極著作之奇稱翰藻之盛
矣茲者宦游三載篋滿千篇塞遶盧龍共識昌黎之化
山名射虎還瞻孤竹之祠王濛出守歷覽爲多謝眺之
官文辭稱富乃蒐舊笥得若干種不以元文之固陋謬
屬午夜以丹鉛捧覽數周踴躍莫止辟猶過金谷之圃
無非異珍入華林之園盡爲名卉倘過秦國宜輕呂氏
之金持入中都卽貴洛陽之紙遂應梓氏以光藝林竊
伏自念執經負牆于今十載中郎倒屣每識王粲之才
揚子談玄輒有侯芭之目而元文自揣葑菲難測高深
游潭泳者詎覩滄溟之浴日觀培塿者孰知嵩泰之干

雲聊志短篇以附不朽云爾

門人徐元文敬跋

西堂雜組一集目錄

自戊寅至丙申止

賦

鴈聲賦

採蓮賦

桂樹賦

亦園賦

落花賦

玉鈎斜賦

淚賦

鸛鵲裘黃酒賦

碁賦

反恨賦

騷

招魂

有序

悲秋風

反招魂

有序

梅花三弄

有序

七

七釋

冊文

戲冊莊女九錫文

有序

戲冊不夜侯制

戲冊竹夫人制

戲復立望帝冊

檄

討蚤檄

鬪鷄檄

移文

西山移文

彈文

花神彈封姨文

文

乞巧文

有序

自祝文

有序

懺愁文

有序

廣寒宮玉樓上梁文

有序

祭文

祭詩文

有序

告陸靈長文

哭湯卿謀文

再哭湯卿謀文

序

孝簡子遺書序

湘中草序

香林廣詠序

柔鄉勝韻序

曹子閑南村詩序

滄浪亭新書序

露文序

丁亥真風序

戊子真風序

己丑真風序

周星曙試言序

錢紫韜文序

劔飛樓制藝序

二宋合稿序

引

讀書社引

論

命論

游俠論

卞和論

莊周論

魯仲連論

李將軍論

傳

雪衣女傳

舞陰侯傳

記

游虞山記

游靈巖記

六橋泣柳記

千畝潭記

書

遺亡友湯卿謀書

啓

追薦諸亡友啓

謝人餽藥啓

贊

關帝讀春秋像贊

觀音送子像贊

魁星像贊

鍾進士食鬼像贊

帶巾壽星圖贊

睡僧圖贊

二首

含虛上人像贊

有序

湯卿謀遺像贊

自題小影贊

二首

劉長公偕隱贊

馬遇伯頭陀像贊

頌

震旦六祖頌

六首

曹溪五世頌

二十首

銘

西堂銘

有序

墓銘

筆冢銘

有序

瘞鶴銘

有序

青冢銘

西施墓誌銘

有序

判

呂雉殺戚夫人判

曹丕殺甄后判

孫秀殺綠珠判

韓擒虎殺張麗華判

陳元禮殺楊貴妃判

李益殺霍小玉判

碑文

大悲菴碑文

有序

疏

乞食疏

跋

法苑花藥圖跋

辭

責鷹辭

渡龜辭

有序

說

說酒

酒說

乞者說

盜說

禱

田夫禱

有序

問

問雨師

貌問

有序

牛馬問答

連珠

廣連珠

十首

五色連珠

五首

禽言

五禽言 五首

二禽言 二首

制義

怎當他臨去秋波那一轉

雜言

五九枝譚 并序五十四則

讀東坡志林 二十則

西堂雜組一集 卷一

吳下尤 侗展成謨

賦十首

鴈聲賦

金風草草。玉露瀼瀼。荻花瑟瑟。葭草蒼蒼。蛩咽咽兮入
暗壁。燕勞勞兮別空梁。松陰陰兮唳孤鶴。柳依依兮叫
寒螿。于是紫塞啓。朱鳥翔。背金微。涉瀟湘。鳳凰臺上。莓
苔綠。鸚鵡洲中。菰米黃。碧鷄關下。零朝雨。烏鵲橋邊。帶
暮霜。一行兩行兮。落蘆花于楚澤。一聲兩聲兮。冷楓葉
于吳江。雜海鷗兮棲沙渚。隨野鴉兮掠斜陽。啼血兮疑

蜀川之杜宇。比翼。今同錦水之鴛鴦。爾乃夜月東來。曉
雲西去。傷殘星而明滅。度長天而迴顧。前紛紛兮鴈奴。
後寥寥兮鴻婦。若有人兮能書。彼弋者兮何慕。望塞北
兮相思。哀江南兮如訴。故其蕭蕭蕭蕭。忽沉忽高。似代
馬之悲嘯。與胡笳之怒號。及其嘹嘹歷歷。或徐或急。似
孤臣之慷慨。與寡婦之歎息。至如鏦鏦鏘鏘。厲響爭鳴。
似壯士之彈劍。聲煩冤而不平。旣而宛宛清清。遠韻低
生。似小窗之私語。音幽怨而未明。是以離離旭日。嗷嗷
中澤。續戍樓之長更。斷漁舟之短笛。亂霜林之杵砧。催
玉房之刀尺。吐秦女之銀箏。含湘娥之寶瑟。驚戶下之

啼鷄默階前之促織。乃有燕關征客。吳苑閨人。憶長城兮。萬里辭舊都兮。千春此怨望夫之石。彼思出塞之吟。鷓鴣嶺上。愁何極。蟋蟀堂前。恨已深。聞鴈聲之寥戾。問錦字之浮沉。客舍哭旅人之夢。倡樓傷蕩婦之心。悲莫悲兮。楊柳岸。淚復淚。今琵琶亭。莫不目斷迴鴈之浦。竟銷離鴻之琴。亂曰。鴈兮鴈兮。來衡陽。翩南征兮。索稻梁。暮秋風兮。草木黃。羅與畢兮。山之岡。行路難兮。聲哀涼。曷不高飛兮。歸故鄉。

採蓮賦

吳長洲兮越若耶。芙蓉城兮菡萏家。綠羅蓋兮紅玉佩。

碧筒空兮素絲斜。于是苧蘿麗子館娃艷客蓮步珊珊。
荷衣瑟瑟錦帆初張。木蘭徐出小鬟唱欸乃之歌。少婦
賦澤陂之什。風淡淡兮送脂香。波沄沄兮嬌黛色。倏而
來兮飄飄若海女之出水。水晶宮倏而去兮。容與若江姝
之入金莖。國爾乃舒皓腕蕩羅裳。穿蘆岸轉蘭塘。新婦
灘頭系錦纜。女兒磯畔下輕檣。舉桂櫂兮挂荇藻。迴鷁
首兮逐鴛鴦。旣而上花臺啓花房。拂花身洗花粧。人爲
花兮解語。花爲人兮斷腸。似龍陽之垂釣。疑羅敷之采
桑。驚漢臯之二女。笑唐宮之六郎。戲荷錢兮濺垂袖。舉
蓮鬢兮動珠璫。晚風起兮怯中渚。小榜歸兮帶夕陽。則

有柳下紫騮花間白面斜倚金鞭遙招玉鉤望美人兮
未來對蓮花兮目亂聞笑語而香生聽歌聲而影見歌
曰儂欲採蓮葉葉刺茸茸不可折儂欲採蓮花花枝片
片隨風斜儂欲採蓮子子成搖落秋風裏今朝採得並
頭蓮心艷艷兮藥田田歸家贈歡子道妾想夫憐

桂樹賦

若乃空山之內古澗之邊上倚纍纍之石下瞰潺潺之
泉有桂樹焉嚴姿蔭日勁質凌寒嘯聲驚雨黛色參天
森千丈之松節高百尺而桐盤蟪蛄宵吟其下鴻鵠晨
號其巔旣而白露零秋涼風吹葦漢南柳衰吳江楓落

蓮謝粉于池塘。蕙辭華于書閣。何百草而不立。惟一枝
其獨灼。于是南州發榮。楚山披薄。四出雪花。三開霜萼。
燦瑤林之瑤樹。艷丹岳之紅藥。飄天香以入雲。攬僊芬
而盈握。則有陶令三徑。庾家小園。曉風綠野。殘月黃昏。
影空潭水。氣靜庭軒。氤氲醉夢。瀟灑醒寃。遠蜂蝶而不
擾。同桃李之無言。鬪妍粧于溪女。贈雜佩于王孫。爾乃
慘綠堆珠。嬌黃屑玉。韻沁香奩。光搖金屋。衣染新馨。鬢
留舊馥。攀公子以淹留。媚佳人而寤宿。芳迷杜若之洲。
幽比倚蘭之谷。別如根移蟾窟。子落鷺峰。布粟如來之
座。垂條麗華之宮。鼓櫂兮湘君浦。結旗兮山鬼叢。莫不

枝繚連蜺粒吐菁蔥薰疑凝篆鬱若生風笑薔薇之水
淡厭鷓鴣之斑濃貯謝囊而增膩拂荀席而靡窮于是
先生言拮童子載摘召陸羽而製之使盧仝其煎喫南
零酌水西際採莢三沸蝦鬚半投鵲舌亂玉藥于雪英
散金粟于雲葉起孝先之眠解相如之渴澆阮公之硯
礪遏坡老之饕餮泠泠然若列子之御風栩栩焉如莊
生之化蝶其樂維何起而爲歌歌曰銀宮夜碾鬱金芽
古香瓊瑰玉孫家黃者爲煙丹爲霞試以中頂雷鳴茶
有客來止花間車素羹一啜馨吟牙誰傳此方勝胡麻
持贈姮娥製天葩舞罷霓裳吸石花何以報我金蝦蟆

徐文長清則中有用花養茗法予做之故賦尾及此

亦園賦

玉津已矣。金谷何存。名花相弔。語鳥無言。昔年綠野。今日青原。不如老圃。有此小園。爾乃十畝陶廬。數間盧屋。齋以蕭名。丘因愚辱。徑少三三。峰非六六。居旣宜閒。樂亦唯獨。則有池能生草。溪可浣花。枕流眠柳。鼓沫歌蛙。鴈奴宿宿。魚妾家家。倒垂梭網。斜鎖蓮槎。東則子山兩竿。西則與可百尺。陌上羅敷之桑。岡頭孔明之柏。旁通武陵之源。小築羅浮之宅。王孫之草叢生。丈人之石獨立。于是春日遲遲。秋月依依。薰風午吹。寒雪朝飛。抱甕

嘗灌披帷偶窺戲牽水帶私画山眉臥紅爲席采綠成
衣洗粧攜酒擊鉢催詩登高望遠目曠神怡丹城參差
樹藩籬也碧巒窈窕障罍罍也雲霞盤矗建樓臺也星
斗闌干列庭階也彩虹飄飄倚画欄也芳樹青蔥捲珠
簾也雜花碎錦舞湘鬟也羣鳥嬌啼咽紅絃也當此之
時雖沁水在左鞞川在右吾猶以爲小也若夫百年之
後則此園之爲桑田乎滄海乎又非主人所得而保也
予作賦時在甲申之春初不覺末語爲識也亡何北
都之變聞矣其明年大兵渡江予倉皇出奔此園遂
廢爲牧馬地歸來臺榭欹傾池塘零落惟有荻花楓

西堂集
葉搖蕩秋風耳。每呀李後主雕欄玉砌之詞。與蕪城一操同增悲涕。因作後亦園賦。其首云。黍油油吳宮衰草。漢苑荒丘。吟謳數過。哽咽不成聲。輒投筆而罷。嗟乎。結綺歌殘。望僊舞歇。變遷之後。山川陵闕。半化煙燼。况一丘一壑哉。人生如夢。閱此惘然。自識。

落花賦

弔璫宮花史也

悲乎哉。試望郊原。荒涼滿目。蔓草孤青。叢條盡綠。花影誰留。花魂不復。薄命紅顏。傷心一哭。猶記夫歲既晏。臘就殘。風迴小煖。霜勒餘寒。隋宮戲剪。唐苑催看。于是花

始出有似乎破瓜之年。初籠霧鬢。微掠煙鬟。溫脂玉膩。
清粉香攢。芳心一點。綵縷雙纏。慙如欲笑。弱不勝憐。及
夫春光好。風信急。蝶夢江南。燕思寒食。鈴護房櫳。鼓催
顏色。于是花正開。有似乎定情之日。夜帳腰欹。曉奩黛
拂。酣睡夢紅。淡粧浴碧。薄醉雲闌。小垂月陌。斌媚移情。
溫柔帶鬼。孰意春將暮。日欲西。奈何鶯喚歸。去。鶯啼風
驚。片片雨泣。枝枝干。是花乃落。有似乎北邙之死。別南
浦之生。離飄零。翠鈿碎。剪羅衣。脂肌土葬。玉骨煙飛。淚
痕界面。愁暈侵眉。朱簾不捲。青幙空垂。問花無語。見花
無期。從今一去。地角天涯。已焉哉。昔日三眠舊時一捻。

西窗雜錄集
含笑已非含歡遂絕分開並蒂之枝扭斷同心之結西
窗閉兮環珮杳東風去兮音塵濶咽復咽兮隴頭水怨
復怨兮關山月至如夫人繡帳天子瑩臺琵琶雁塞繡
襪馬嵬綠珠樓墜紫玉塵埋巫山雲散洛水舟迴悲別
離兮自古孰能喻我落花之哀

玉鈎斜賦

流水涓涓片絮牙悲風獵獵捲黃沙紅心滿地宮人草
碧血千年帝子花路人告予曰此所謂玉鈎斜也嗟哉
憶昔太液池披香殿望仙樓迎暉院楊柳腰芙蓉面鳳
皇釵翡翠鈿火齊環琥珀釧袖驚鸞裙飛燕綠珠簾青

玉案金花牋。銅雀硯。臨春樂。長秋宴。舞縈塵。歌鸚鵡。象
牙牀。流蘇幔。夜夜嬌。朝朝艷。若乃秦娥憶。楚妃歎。明君
曲。婕妤怨。同心詞。長恨傳。背風臺。屏月觀。却珍珠。捐紈
扇。寶奩空。瑤笙斷。髻殘雙。額粧半。引羊車。呼狗監。題秋
葉。添冬線。病西施。老鄭旦。其入三十六宮者。不知幾千
萬也。而今不可復見矣。惟見。繫繫荒土。曲曲橫岡。茫茫
青草。蕭蕭白楊。零零暗雨。剪剪繁霜。深深葬玉。鬱鬱埋
香。風低鴻雁。日下牛羊。長恨千載。不見君王。簫隴兮鏡
殿。玉棺兮椒房。粉紅兮楓葉。蛾翠兮幽篁。菱鏡兮曉星
明。滅繡衣兮塵霧。飄飄石牀兮空施。回帳漆燈兮猶照。

啼粧石馬嘶風。今望上苑水枯。平月。今想昭陽恨血。欄
斑。今化爲雲雨香。竟游戲。今夢作鴛鴦。悲夫清明寒食。
誰奠桂酒椒漿。况碑碣之殘缺。孰辨班女與蕭娘。于是
止僕夫而觴焉。且援筆而銘其旁。曰。是爲風流陣溫柔。
鄉今也。則亡然使死而有知。又何可以無郎。

淚賦

玉臺姝麗。金屋嬋娟。笑宜莞爾。淚亦嫣然。若乃寒雨春
殘。暖風夢午。燕燕交飛。花花對舞。韶年二八。佳期三五。
私裁芍藥之詩。暗遞鴛鴦之譜。望朱玉于牆東。憶鄭交
于江渚。歎青鸞之信修。悵紅葉之媒阻。背阿母而嬌啼。

倚。侍。兒。以。軟。語。掩。粧。鏡。而。倚。彈。滅。枕。屏。其。如。雨。爾。其。水。
波。木。脫。露。下。天。高。秦。樓。哀。雁。燕。塞。驚。鵬。征。夫。千。里。倡。婦。
孤。宵。月。皎。皎。今。照。砧。杵。風。淒。淒。今。響。金。刀。黃。沙。悲。今。橫。
笛。綠。墀。怨。今。瓊。簫。錦。迴。文。今。織。未。就。字。相。思。今。寫。徒。勞。
聽。鳴。階。之。蟋。蟀。見。網。戶。之。蠅。蛸。怯。空。房。之。聞。寂。厭。長。夜。
之。迢。遙。冷。銀。缸。于。繡。帳。墮。玉。筋。于。鮫。綃。至。如。綉。閣。重。行。
画。簾。雙。列。連。理。名。枝。同。心。作。結。忽。驅。車。今。燕。趙。或。挂。帆。
今。吳。越。送。南。浦。今。傷。離。對。西。窗。今。話。別。山。復。山。今。道。里。
長。春。復。春。今。音。書。絕。折。楊。柳。今。踟。躕。調。琵琶。今。鳴。咽。君。
貽。翡。翠。之。環。妾。贈。琉。璃。之。盒。纔。分。手。而。露。襟。更。回。頭。而。

泣血別有長門夜月長信秋風詩囊棟下賦寫樓東面
長蛾而殘綠題片葉而流紅閉帷牀于別院鎖環珮于
離宮惜珠顏之漸老憐角枕之偏空數長樂之夜漏待
景陽之晨鐘歌一聲之河滿舞百轉之驚鴻奈君王之
不顧凝淚粧以溶溶故夫鬟翠初垂臉紅微斷春山漸
低秋波倏散半分西子之顰頓改莊姜之盼似薄怒而
仍嬌若含羞而終怨常泥郎以沾裾時避人而掩面界
盈盈之壓粉和星星之腮汗迸玉線之千條落鮫珠之
一串零白雨而飛絲結紅冰而凝片噴香水于吳宮出
溫泉于唐殿映燭光以同熒比蚌彩而增艷固宛轉而

成紋遂模糊而難辨疎疎密密整整斜斜如潮如汐非
霧非霞雖無聲兮隔牕和檐前之雨疑有影兮唾袖生
石上之華啼血兮變爲杜鵑之鳥斷腸兮滴作海棠之
花洞庭江邊斑湘妃之翠竹胭脂山下染昭君之黃沙
薛夜來之玉唾壺三年化碧武媚娘之石榴裙六幅如
麻楊太真之擘合分釵玉容寂寞焚通德之掩袖擁髻
燈影嗟呀蒲寺鶯鶯瑩瑩焚于裯席錦城灼灼封點點
于綃紗昔時橫波目今成流淚泉于斯時也但見淚痕
濕不知心恨誰殆其人耶

鸛鵲裘貰酒賦

于時司馬相如馳歸成都家徒四壁囊少五銖粟云烏
有帛曰子虛草垂石井埃沒繩樞綠琴廢軫青案閒書
還看臙室寂寞紅裾山眉罷掃雲髻慵梳頭先欲白顏
不勝朱捐放誕之風流瘦柔滑之肌膚相如于是獨立
噉吁四顧躊躇解鵲鷦之裘提鴛鴦之壺從陽昌以沽
酒就文君而稱娛曰甚哉貧賤之傷人也昔予出蜀中
行天下車騎雍容衣冠閒雅劒擊風歐筆排屈賈蓋業
及乎列錦合組而志有乎高輿駟馬奈何一官落拓萬
事遭迤長轅叢棘曲突承塵已固窮夫君子乃波及于
佳人歛巫雲于蓬髮感湘水于布裙粉因紅而多淚蛾

雖緣而長。輦翟公之門。惟羅雀。卜子之衣。若懸鶉。幸乏
秋胡之金。取羞少婦。媿無曼倩之肉。歸遺細君。然而與
子偕老。宜言飲酒。破除萬事。無過斷送。一生惟有公子。
留姬以絕。纓田家挈婦。而掛缶。况閒居以端憂。可稱觴。
而上壽。盃號蓮花。酷名楊柳。暈芙蓉之面。啓櫻桃之口。
但思濡首。何辭見肘。笑牛衣之空泣。喜犢褌之尚厚。彼
淳于男女。同席可飲一石。今相如夫婦。攜手豈不能飲。
一斗乎。文君聞之。低鬟微笑。含睇如失。遂擁頸以嬌啼。
還歛巾而掩泣。曰。嗟乎。長卿貧耶。病耶。嗟乎。長卿時耶。
命耶。以長卿遊梁園。則鄒生枚叟。無足誇。以長卿立漢

廷則東方吾丘不能加胡爲塗窮四海門掩三巴煙寒
士銓輓腕金車鬱青雲之意氣漚白雪之才華范叔一
寒至此馮驩何以爲家且妾生名門居秘宇金穴銅陵
玉樓珠戶五鼎成列兩驂如舞飾翠鈿與鸞釵曳楚統
與鄭紵啗抱布之衛姬陋分燭之齊女杓立鸕鷀盃擎
鸚鵡醇酌鬱黃葡萄酒長舉白而飛觴間引宮而刻
羽今乃脫衣換酒黽勉自苦方觸緒而興悲何解悶之
足語也吾有奇策可以禦窮君贈妾以一盞妾報君以
千鍾遂驅車而入市同賣酒于臨邛

解鸕鷀裘着犢鼻袴去陽昌市開文君爐千古奇謀

正從苦境中想出。予家四壁不及長卿詩曰。食貧今
并無貧。可食。室人謫我。我亦自謫。戲舉此事賦之。相
與破涕爲笑。當是時。雖爲之滌器所欣慕焉。自識

反恨賦

試登高堂。金石絲簧。旨酒既設。寶劍旣張。僕乃揖古聖
坐。先王美人。君子左右侍。旁咏歌。書史擊節。未央有如
屈原被放。懷沙欲死。楚王忽寤。車騎迎止。冠鈇蘭臺。旌
蓋江汜。宋玉珥筆。景差布紙。笑鼓枻之漁翁。謝申申之
嬖姊。若夫荆卿行刺。直入秦宮。左手把其袖。右手搥其
胸。咸陽喋血。函谷銷烽。呼三晉與齊楚。朝天子于京東。

重和歌而擊筑快易水之寒風至如李陵降北拔劍登
臺遂犁王庭凱唱而回入報天子賜爵行盃出史公于
蠶室懸軍侯于藁街大將軍方斯下矣萬戶侯何足道
哉若乃武侯出師秋風五丈星斗乍明旌旗增壯驅戎
馬于鄴中橫舫艦于江上遂馘懿而擒權觀漢京之重
創息銅鼓于茅廬臥綸巾于玉帳更如岳侯報國誓復
中原黃龍痛飲鴨綠平吞書生策馬太子宵奔六陵酒
掃二聖還轍誅賊臣于偃月答后土與皇天又如信國
勤王仰天泣血奔走江淮號召吳越迎少主于崖山新
高宗之宮闕翻混同使倒流覆上都以朝滅千秋萬歲

衣冠文物別有夜郎僊人長沙才子宣室再召沉香更
倚明妃返于昭陽班姬拜爲彤史宋玉之美得婿巫山
子建之才重婚洛水莫不窈窕珮環輝煌金紫風雲生
色花鳥有喜人生如此其可已矣噫嘻天地循環無往
不復杲日其雨滄海爲陸苦樂相倚吉凶互伏得鹿豈
便爲真失馬安知非福秋何氣而悲傷塗何窮而慟哭
喚奈何于清歌觀不平于碁局當我生而多忙何暇代
古人以感感哉

碁賦

碁之爲物也體方而用圓方法地圓效天乾坤二策常

期之日而掛一焉。四方列國千畝井田。角立五嶽。脉貫三川。白帝。蓂。兩。黑。子。彈。丸。本。由。平。路。遂。起。爭。端。若。乃。一局開疆。兩軍對壘。揖讓既終。征誅伊始。弱肉強食。遠交近攻。秦人連橫。六國合從。四面重圍。雙劫互打。漢奪鴻溝。楚奔垓下。連岡忽斷。死地重生。新莽篡竊。建武中興。此界肥邊。彼疆瘦腹。吳。魏。巴。蜀。三分鼎足。南。北。并。吞。東。西。割據。反。覆。六。朝。紛。紜。五。季。大。勢。已。定。餘。着。還。填。唐。宋。一統閭。以。蒙。元。至。如。李。靖。七。軍。孔。明。八。陣。太。公。六。韜。武。子。三。令。擊。首。擊。尾。得。尺。得。寸。先。下。爲。強。多。算。必。勝。又。如。智。聞。蘇。張。力。爭。廉。蔣。牛。李。傾。危。洛。朔。構。釁。貪。多。患。得。行。

險僥倖聞道長安斯言益信故其狹如鳥道曲如羊腸
尖如牛角斜如雁行咸陽阡陌嬰相堵牆南風日競北
斗夜橫朱耶獨眼或雄沙部項羽重瞳反敗烏江阮藉
雙眸能分青白湘東一日豈辨玄黃掉頭生殺彈指興
亡推枰而起滿紙滄桑於戲世有騷人憂心如死夢醒
拊牀酒闌隱几愁鼓瑤琴懶揮麈尾與客手談聊復遣
此試觀一十九行勝讀二十一史子曰不有博奕者乎
爲之猶賢乎已

西堂雜組一集

卷二

吳下尤 侗展成誤

騷 六首

招覓 并序

蓋聞紅顏薄命。弱草難栖。黃土傷心。彩雲易散。深深葬
玉。蝕樊氏之玄霜。鬱鬱埋香。閉韓家之青瑣。二十四橋
之夜。月金粉飛灰。三十六宮之曉。春土花暈碧。鴛鴦塚
上。半老溫柔之鄉。芙蓉城中。全註氤氲之簿。則有湘娥
彈月。蘅杜飄香。巫女行雲。玉鸞遺珮。紫簫吹去。秦樓泣
葬。一枝翠羽。游來洛浦。愁聞三峽。梁清夜走羅郁。朝辭

吳彩鸞甲帳空寒。杜蘭香鈿車未至。安南麗如悵歸路。
于楊花。韋曲僊姬。指佳期于斗柄。窗前星漢笑挑倚柱。
之歌座上。天風夢斷。步虛之唱。爾乃吳歌鹿走。若耶西
子之湖。楚舞騅飛。虞兮美人之草。玉搔影閉。悵憶薜蘿。
金屋嬌亡。筇捐絺扇。石榴裙冷。昭陽之燕不歸。金縷衣
寒。伊闕之蓮已謝。後庭舞歇。銅雀吹殘。小憐斷膝上之
絃。絳仙解合歡之果。金釵鈿盒。微叩太真之肩。青草黃
沙。斜築昭君之墓。孟才人河滿子。淚濕笙囊。江采蘋一
斛珠。塵生玉鑑。至如青陵日出。紫玉煙飛。琴罷求凰。粧
愁墮馬。文姬笳拍。淒淒出塞之哀。麗玉箜篌。咽咽渡河。

之怨綠珠墜于金谷青柳折于章臺倩女離魂窈娘飲
恨非煙錦碎悲鷺浦之孤飛小玉釵分恨烏欄之負約
燕樓盼盼鎖斷北邙之煙蒲寺鶯鶯待落西廂之月琵琶
久杳猶聞鸚鵡相呼曉雲已空不與梨花同夢別有
天台女伴花底迎郎羅浮美人酒家宴客盤塘江上黃
土空蓋紫荊清溪廟中金簪自酬銀碗綠樽翠杓竟陵
之歡娛不終紅葉碧溪湘驛之佳期莫再緱山夢醒依
稀紫府參差湖岸歌闌不記青楓開落凡斯眷屬皆出
情緣人間釵襖已化煙蕪天上髻鬟或爲雲雨年年落
葉之曲處處玉鈞之斜竊藥難問嫦娥返覓未逢緱母

西河女子無九節之萼蒲東海婦人少三山之芝草
其泣矣傷如之何然而金盃溫休玉簫再世張孔瓦官
之會潘楊宛葉之歡解花合于襦間留火籠于帳後清
河縣主還嫁獨孤南越夫人重歸崔子苧蘿石上玉軒
觀浣紗之人萬里橋邊田洙遇校書之妓桃花紅映重
登崔護之牀絳雪丹成再覩雲客之舞綵灰画幃何辭
南岳喚真真梅雨紗窗可向西冷呼小小今有青樓佳
客碧落仙郎尋媚寢之十香賦粧臺之六憶望美人兮
不得見疑游戲于月白風清思公子兮未敢言每惆悵
于澧蘭沅芷九十芳辰三五良夜花前酌酒特召花神

月下填詞并招月姊雖無少君之術邀環珮于碧落黃
泉願借德哥之香訴衷情于翠蛾紅靨庶幾三生石畔
重逢一笑之人四大部中盡作五瘟之使玉卮娘子飛
來羣玉山頭花叢夫人收拾百花隊裏生生死死共了
相思色色空空偕談大道北方南國同迎蜂蝶之媒東
苑西樓速起燕鶯之檄

竟兮歸來江南有人登簫樓些日暮雲合吟春愁些有
美嬋媛蹇誰留些舉蘭香彫哭芳洲些採玉瓊折哀高
丘些仰招白鳳駕梁輶些俯喝赤螭鼓犀舟些煙鬟霧
髻揭遨遊些風裳水珮爰綢繆些竟兮歸來無上天些

間闔岩巖鎖五城些。紅雲搖搖圍玉京些。木公在房威靈尊些。笑生列缺怒雷霆些。嘯噫盲風涕雨淫些。廣靈堂空素娥孀些。寒蟬飢兔泣霓裳些。銀浦洪濤崩橋梁些。黃姑輒軋勞七襄些。星斗闌干冷紅粧些。瑤宮寂寥無仙郎些。歸來歸來天上不可以翔翔些。覓今歸來無入地些。佳城鬱鬱白日閉些。野風蕭蕭侵羅袂些。石馬朝嘶嬌狐睡些。怪鴉笑歌聚木魅些。乾藜吐紅空草翠些。鬼雨剖飛松楸淚些。子規呼覓殘星沒些。紙錢窸窣飄荒陌些。漆燈無光照繭室些。繡襦颺灰鏡花黑些。羅襪弓鞵刺荆棘些。歸來歸來地下不可以休息些。覓今

歸來無登山些。巨靈負鼎。剖嶄巖些。危峰咋嶸。刺雲天些。石洞陰森。虎豹眠些。丁香筇竹。舞老猿些。山鬼夜號。踏蘅蘭些。其中往來。有蒼煙些。遙望方壺。巨鰲連些。虎茵蓬髮。婉姸蟠些。烏鵲雜處。葛藟餐些。玄圃榛蕪。瑤池寒些。水流花開。傷朱顏些。歸來歸來。山中不可以盤桓些。竟兮歸來。無涉水些。冰夷一怒。百谷死些。靈胥鞭馬。奔潮駛些。琉璃城中。臥龍子些。蜃樓倏摧。鮫室毀些。天吳八首。射工銜矢些。弱水沒羽。河倒垂些。女兒浦。險娥江。悲些。新婦磯。瀾姑津。危些。崩雲屑。雨濺荷衣些。鯨飛鼉走。驚山眉些。胡爲佳。姬嫁無支祁些。歸來歸來。水中。

不可以遨嬉些。覓今歸來。我瞻四方。美南國些。蘇臺叢
叢。吳山碧些。長洲洋洋。吳江瑟瑟些。錦帆花紅。曉煙出些。
茂苑草青。暮雨濕些。離宮館娃。鴛鴦室些。曲徑採香。幽
苔宅些。金屋飛雲。懸瓊壁些。蘭房清風。塗丹漆些。回樓
彤軒。闔鳴欄些。文窓綺疏。珊瑚簾些。錦屏六片。貼金鈿
些。象牀八尺。名合歡些。百子流蘇。紫茸氍毹些。五花角簾。
青琅玕些。繡被交紅。孔雀翰些。藜枕夜明。琥珀斑些。歸
來歸來。稱雙眠些。覓今歸來。香奩窈窕。閑菱花些。晶梳
膩滑。盤烏鴉些。南都石黛。發翠娥些。北地胭脂。靨朱和
些。步搖玲瓏。綰芙蓉些。鸞釵腰褭。帶金蟲些。耳璫何有。

雙明月些。臂環何有。雙跳脫些。領頭何有。海棠結些。身
中何有。魚子纈些。胸前何有。七寶襪些。腰間何有。裙簇
蝶些。膝上何有。龍縞襪些。足下何有。鳳頭屨些。沉水拂
手。鷓鴣香些。溫泉浴肌。荳蔻湯些。歸來歸來。宜靚粧些。
覓兮歸來。卓女之彈綠綺琴些。楚妃之歎紫鸞笙些。錦
瑟朱絃。杜鵑鳴些。洞簫象管。鳳凰吟些。金槽琵琶。間秦
箏些。旣登芸閣。架牙籤些。八書六帖。麗琅函些。桃花在
几。薛濤箋些。銅雀在瓦。琉璃盤些。象齒在牀。插花簪些。
玉玦在篋。結松煙些。壁有羽扇。繪飛鸞些。案有麝尾拂
蒲團些。金鴨曉眠。薔薇瓶些。玉荷夜舒。鑲蓮燈些。蒙頂

微烹金銀鑪些。醇酎新潑。玻瓈樽些。雁行馬目。子丁丁些。倚干帶劒。矢鏗鏗些。五白六赤。爭從橫些。歸來歸來。樂娛情些。竟兮歸來。春風香些。梅花點額。襯啼粧些。桃花滌面。作華光些。梨花衣白。柳條黃些。恰恰嬌鶯。弄絲簧些。勞勞胡燕。怨空梁些。壁車寶馬。喚踏青些。油幕裙幄。坐花茵些。羯鼓鼙鼙。醉天公些。小院鞦韆。戲半仙些。大堤採桑。攜筠簋些。南陌聞章。鬧雕闌些。西園撲蝶。弄齊紈些。歸來歸來。慢俄延些。竟兮歸來。夏月長些。槐陰榆筴。暗池塘些。平時麥浪。雜青黃些。齊蟬吸露。噪長楊些。竹鳩呼雨。送新涼些。河朔避暑。碧簫觴些。醉擁青奴。

臥北窗些。迺棹鳬舟。水中央些。蓮葉田田。亂高房些。黃
螺翠蓋。映紅裳些。輕舉皓腕。動明鐙些。徐迴鵲首。驚鴛
鴦些。採蓮一曲。韻悠揚些。歸來歸來。聊相羊些。竟兮歸
來。秋風清些。梧桐一葉。走空庭些。幽蘭含笑。菊枝榮些。
征鴻蕭蕭。下沙汀些。蟋蟀在堂。夜中吟些。搗素搗衣。叩
霜砧些。秋聲錚錚。響疎林些。鵲橋流雲。駕雙星些。綵樓
乞巧。穿銀針些。仰見明月。碾冰輪些。桂子飄香。飛匏樽
些。抗袖高歌。入迴風些。庭葉翩翩。墜簾櫳些。歸來歸來。
歡未終些。竟兮歸來。冬日嚴些。曉光灑灑。埋空煙些。夕
漏隆隆。號枯天些。六花斜舞。堆晶鹽些。煖寒設會。煎龍

團些肉陣屏風。鳥骨簾些。淺斟低唱。羊羔發些。乃卽溫。
房踐。毬毬些。小蠻垂手。轉胡旋些。盤鼓一聲。搖錦纏些。
歌舞闌珊。啓羅幃些。裊裊重陳。解裏衣些。皓體倚偎。親。
柔脂些。歸來歸來。長自私些。竟今歸來。入我修門。溫以。
舒些。登我高堂。安以徐些。進我閑宮。調以娛些。坐我匡。
牀。美且都些。環姿瑋態。顏如玉些。冰肌雪骨。紅生肉些。
鬢髮修眉。閑粧束些。丹唇粉靨。迴明目些。小腰秀頸。裹。
纖足些。珮玉瓊琚。垂霧縠些。燕歌趙舞。理清曲些。低聲。
淺笑。性端淑些。攜手同行。信且宿些。竟今歸來。身可贖。
些。亂曰。我登蘇臺。今瞻望天涯。山高唐兮。水若耶。塚中。

蝴蝶兮塞外。琵琶兮美人。今道里悠遐。東風飄兮飛入。
我家。秋月兮春花。覓之來兮如霞。鸚鵡舟兮芙蓉車。蒲
萄酒兮鷓鴣茶。雨有片兮雲有華。玉爲國兮香爲衙。今
夕何夕兮。星漢橫斜。覓歸來兮。是耶非耶。

悲秋風

哀陸靈長也

悲夫秋風之颺起兮。紛離披其落葉。何百草之未凋兮。
哀蕙蘭之先折。雲杳杳兮東馳。白日陰陰兮西沒。蟬嘒
嘒以晝吟兮。蟋蟀啾啾而夜咽。高丘繁繁兮佳城鬱鬱。
謂美人兮于焉宅。望蒼煙之飄渺兮。疑覓兮之無不之
也。聽白楊之蕭蕭兮。又何戀此而不能歸也。余欲排九

關而叫之。未醒帝之夢夢。命靈氛爲子占之。曾不解此。鞠凶。值吾道之明夷兮。士于飛而垂翼。予旣遭夫按劍。兮。荃亦抱璧而泣血。燎昆岡之烈焰兮。碎結綠而揚灰。葬珊瑚于海之洲兮。嗟鐵網之不施。君朝濟兮大江。夕息馬兮秣陵。指雲中以爲期兮。驟霜露之下零。懷故都以言旋兮。暗秋宵之風雨。瑤琴焚而不彈兮。孤燈照其玉塵。歸旣不同白首兮。又恨不見我死友。締綢繆于七載兮。羌中道而分手。總角兮晏晏。信誓兮旦旦。予贈之兮。英瓊瑤。子報之兮。青玉盃。遶中山之淑哲兮。謂卿暨謀也雲間之士龍。謂處實也塞衆芳以雜佩兮。悅紵綺之雍容。寔

人謠謠以興妒兮。荃獨依古人之高風。曰吾規而子佩
兮。重申之以初終。思夫人之姱修兮。信江東之獨步。集
雲霓以爲裳兮。紉繽紛之寶璐。枳棘莽其塞塗兮。拙工
斲其瓊樹。登扶桑而夙駕兮。孰迫之云遲暮。彼妖狐或
百年兮。麟胡爲折其足也。弋長離而烹之兮。伊虞人之
酷也。子淵敗其叢蘭兮。伯牛敬其茅苴。甲賈生與終童
兮。咸殞躬于弱齒。歎天道之無知兮。又喪吾黨之良士。
惟達人之味道兮。悟生寄而死歸。齊彭殤爲一致兮。誰
能辨其是非。荃固歎人世之不可久居也。今與世乎長
違。天上差樂不苦兮。又何必涕泣之沾衣。予未免夫有

情兮痛九原之不作。士衡倏其長逝兮。怨華亭之唳鶴。
庶髣髴于寤寐兮。覲遺光于帷幕。三示予以佩玖兮。何
問之而不諾已焉哉。子之室兮爰開。旦爲期兮暮不來。
書卷掩兮塵埃。庭院鎖兮莓苔。入而悲兮出則疑。駕余
車兮載余旗。適東海兮召巫陽而敷詞。若有人兮爲我
禮。覓而招之。招曰。秋風騷騷兮。野水浩浩。我瞻四方兮。
絲絲遠道。生不成名兮。鬼亦愁離。鸞龍兮。狐兔與儔。坎
坎鼓兮。蹲蹲舞迎。美人兮。江南浦。練時日兮。覓歸來。左
煙閣兮。右雲臺。

反招覓

并序

乙酉六月六日卿謀忌辰也。亂深矣。將安歸。命巫陽辭焉。而今而後哭則不敢。

竟兮竟兮望江南。天地干戈行路難。吳之山。賀蘭山。吳之水。鴨綠灘。吳之都。雁門關。朝爲海。暮爲田。遼東鶴。莫飛還。城郭人民傷心顏。竟毋歸來兮。登長途。獵獵狼烽燒天衢。繡旗八色羅圍廬。赤火黑墨白茶如。將軍鐵甲當中居。壯者號虎少。騎狐。淺草平。原千騎。馳殺人而食。同茭蒲。繫子之馬。駕子車。執子斬。芻飼駝驢。竟毋歸來兮。涉遠水。艤艫蔽空千萬里。銜刀投鞭穿江底。形如長蛇聲如豕。燈火夜照波心紫。月黑呼駝潭愁鬼。血濺晶。

宮蛟龍餌河伯驚伏湘君死繫子之舟叱子止白衣搖
櫓供驅使。竟毋歸來今入孤城高牆萬雉陳旌旆曉角
哀風暮笳鳴九衢白骨赫然橫錦涇花洲細柳營朱門
翠院屯刀兵健兒爛醉揚鞭行言語模糊容獐獐義冠
博帶嘻書生短髮種種將無髡竟毋歸來今游曠野原
田每每牧牛馬蕭條村落無廬舍丘壠高低臥松檟鬼
哭青林碧森酒七十二峰洞壑豁琴臺鏡閣成礫瓦舞
袖灰飛歌板啞漁歌樵唱銷風雅兩屐扁舟何處也竟
毋歸來今返故家館娃坊前荒草遮柴門闔寂無停車
回樓畫閉雕欄斜空庭開落棠梨花書牀殘卷委泥沙

翠鈿半掛綠窗紗。風箏鳴咽泣琵琶。玉棺雙匣走天涯。
珊珊來遲安歸耶。吾招覓今上青天十二樓高五城堅。
木公所處浮雲煙。享子釣天七日筵。白雪垂手清風絃。
玉女投壺翩嬋娟。醉入廣寒抱月眠。戲喝星斗使倒懸。
帝賜新宮掌書仙。再拜賦上瑤京篇。吾招覓今下黃土。
闔浮冥冥司地府。董狐執筆大如斧。授子修文顏夏伍。
換作刑書點鬼簿。牛頭勸酒夜叉舞。紅簫壠下長眠處。
秋風露點春山雨。鮑家詩句閒吟苦。石馬驕嘶石人語。
吾招覓今隱山川。三島十洲邈以玄。五嶽四海何綿連。
洞天福地氣象千。與子凌雲翔其間。麻姑手爪洪崖肩。

湘靈鼓瑟。蘭香鈿羅浮。梅花玉井蓮。胡麻龍脯供盤餐。
朝披素書雲母函。夕唱步虛飛瓊篇。游戲長生億萬年。
亂曰。覓母思親。親康強些。覓母思弟。弟雁行些。覓母思
兒。兒扶牀些。夫如簫史。婦弄玉些。左鳳右凰。賡清曲些。
歸乎青華。永行樂些。俯視九州。蹇難安些。覓母歸來。哀
江南些。

梅花三弄

并序

曾蒼山海棠詩。少陵忘却渾閒事。更有離騷忘却梅。予
亦不能爲左徒解嘲。適學鼓琴。至梅花三弄。有聲無文。
因援筆寫之。既譜爲操。并以續騷。

梅樹生兮山中枝連卷兮臥虬龍山空空兮水澹澹朝
繁霜兮暮悲風蘭莖兮萎紫楓葉兮衰紅思君子兮枯
竹弔大夫兮孤松若亭亭兮獨立既斌媚兮又蕭瑟衣
水兮佩雪歲將晏兮芳馨發山鬼睇兮欲笑湘娥愁兮
倚其側

梅花開兮冬晚北枝寒兮南枝暖紅藥兮素華香菲菲
兮襲綺羅瓊瑤藉兮臺榭粉若散兮籬舍遞驛信兮隴
頭拂宮粧兮簷下霓裳兮羽衣芬芳兮不夜月落兮參
橫翠鳥兮亂鳴望美人兮未來倚惆悵兮疎林

梅花落兮滿庭怨芳時兮正青春東風飄兮寒食雨雪

西堂集卷一
菲菲兮雲容與吹玉笛兮誰家送仙人兮夢綠華楊柳
兮依依青草兮萋萋落英兮綴之燕差池兮未歸鶯恰
恰兮將啼雜花兮高低蝴蝶兮以飛芍藥欄兮桃李蹊
梅兮梅兮無一枝遺予袂兮捐予裾葬梅魂兮山之隅
七一首

七釋

三中子坐愁城鎖愁獄束愁冠結愁服揖五鬼爲賓朋
呼二豎爲奴僕家無田之可耕室有書而不讀夜未央
兮聞雞日既斜兮對鵬蕭條魯客之噫牢落楚囚之哭
悽愴焉若枯柳之在江潭顛顛焉若幽蘭之生空谷蓋

抱此愁者十年。藏此愁者萬斛。于是四飛君聞而造焉。
謂之曰。吁。子憊矣。昔靈均以離騷而沉。長沙以惜誓而
廢。叔夜以幽憤而刑。子雲以牢愁而棄。今子韞奇才。履
平世。胡爲容貌若愚。中心如醉。歎響風雲。悶荒天地。永
懷曹鄴之三不。解張衡之四大。夫傷九辨之吟。公子流
五悲之淚。毋乃窮蹙終身。惡能優游卒歲乎。予請爲子
樹忘憂之草。採蠲忿之柯。奏無愁之曲。唱長樂之歌。刪
江郎之恨賦。贈陳王之良科。拭司馬之青衫。揚包老之
黃河。子能聽我乎。三中子曰。唯唯。

四飛君曰。風吹二四。雨零百六。開公主之沁園。步石家

之金谷臺有燕子之飛池是玉奴之浴花一檢而脂紅
柳三眠而黛綠于是臥花裯召花神探鬪花之宴懸護
花之鈴鼓喚天公之號帳留御史之名梨粧暮洗棠睡
朝醒杏入青油之幕梅立紅羅之亭一架薔薇半庭芍
藥浪生三月之岸檀暈四香之閣水仙女之娉婷茶蘼
耶之緯約影來翡翠之簾藥掛鞦韆之索蝶尋兒女之
花蜂喜鴛鴦之夢鶯歌春草將殘燕啄紅衣欲落贈君
銷恨之枝佩我合歡之藥此花鳥之麗也可以釋愁乎
三中子曰未也

四飛君曰秋風淒淒秋葉交飛蟋蟀鳴此西堂旅雁唳

而南歸爾。乃登庾樓。掃梁苑。白露沾衣綠苔凝。坂涼螢
宵明。蒲塘怨晚。北斗闌干。銀河清淺。少焉展微雲。吐皓
月。玉兔走金蟆。咽俯影娥之池。仰廣寒之闕。警鳴鶴于
山。皐照疎樹于木末。乃升銀橋。陟瑤宇。眺琉璃之田。臨
水晶之浦。聽紫雲之歌。觀白鸞之舞。吹碧簫于鳳凰。擎
素樽之鸚鵡。歌舞闌珊。壺乾酒酣。問夜已五對影成三。
仰天長嘯。月落星殘。今夕何夕。我醉欲眠。此風月之美
也可以釋愁乎。三中子曰。未也。

四飛君曰。將爲子冠鵷鷺之冠。被狐狸之裘。馴驕驕之
馬。駕雲龍之輶。佩魚腹之劍。操鶴膝之矛。樹宛虹之綬。

抗招搖之游。弓則烏號在左。矢則蜚飛在右。東郭舞驂
于前。北宮執靶于後。于是撻鼉鼓。舉狼烽。張修置。布高
罾。犇重環。搖晨風。入鳥幕。破禽宮。獲般般。掩玕玕。落羽
翠捲豪紅。日暮而罷。殺僕姑。橐繁弱。聚榛林。席蘭薄。啖
豚肩。抗鹿角。酌犧觥。飛兕爵。其旣歸也。倚金鞍。弭玉輿。
招子雲。延相如。叱墨客。笑子虛。賦名射。雉樂曰。騶虞此
游獵之壯也。可以釋愁乎。三中子曰。未也。

四飛君曰。爰有漢家金屋。魏帝銅臺。東鄰處子。南楚嬌
娃。兒名是雪妃。號爲梅吹。簫旣去。行雨還來。梳金鳳之
髻。裹玉燕之釵。蕩驚鷺之袖。曳步蓮之鞦。脂香生口。粉

汗勻腮。守宮壓臂。荳蔻含胎。我見猶憐卿言復佳。爾乃
卽蘭房。踐瑤階。待君臨兮歡宴。執子手兮徘徊。吐綠珠
桃葉之曲。捧白玉蓮花之盃。彈冰絃之一弄。舞柘枝之
三回。悵芳年之將晚。寤春風而自媒。于是疊錦茵。裝繡
帳。銀燈半挑。金鈎斜上。雲鬟亂挽。羅裙微颺。啓櫻桃而
私語。艷芙蓉之相傍。誓錦水以不忘。老溫柔而欲葬。此
聲色之樂也。可以釋愁乎。三中子曰。未也。

四飛君曰。試爲集墨妙。彙筆精。呼詩瘦。召書淫。與之觥
籌文囿。漁獵詞林。可乎。則有紙號銀光。墨名玉玦。鼠鬚
以翡翠爲牀。鳳珠以珊瑚爲匣。潤以玉甌之龍團。佐以

銅爐之雞舌。或練京于十年。或修禊于三月。或擬建安之七子。或倣垂拱之四傑。春色曉兮賦梅花。秋風高兮題桐葉。夏日長兮歌採蓮。冬夜寒兮咏積雪。建韓浦之鳳樓。搜喬曠之狐穴。啼一聲之鄭鷓鴣。吟百篇之謝蝴蝶。草檄而頭風愈。誦詩而瘧鬼絕。驅離憂于五字。起沉疴于七發。此筆墨之娛也。可以釋愁乎。三中子曰。可矣。猶未也。

四飛君曰。吾與子登蘇臺。臨茂苑。目不覽五嶽。四瀆之奇。足不歷三湘七澤之遠。未足以灑練心胸。發皇聞見也。請爲造扁舟。蠟兩屐。不借雙。給事一。南攀迴雁峰。西

上蓮花壁北樓列女宮東入天孫宅尋五老于匡廬采
三花于少室臥終南而問盧鴻坐峨嵋而叫李白東山
攜謝公之妓峴山對羊公之客掛錢買戴符之品指笏
拜米顛之石旣而浮三翼汎五湖出覆釜進歸虛戲蛟
人喝天吳赤石裂青草枯駕張騫之槎燃溫嶠之犀拾
洛川之翠解漢臯之珠擲東海之鼉矢北溟之魚蛟蜃
掃塗而顛倒冰夷戒路而蹠跣起靈霄而勸君酒邀湘
妃而拊予砧此山水之勝也可以釋愁乎三申子曰善
四飛君曰未旣天之五岳中有三山三山之下十洲環
焉願爲子麾白鶴驂紅雲青峴承蓋赤虬扶輪建珊瑚

之節。豎流蘇之旌。躡長離。超廣乘。越麗農。周廣野。而駐
乎崑崙。啓九靈之房。登三素之城。升光碧之堂。排瓊華
之門。旣拜木皇。乃揖金母。謁淮南之八公。見商山之四
叟。從赤松而爲師。盟黃石而爲友。告我丹經。賜我玉臼。
食我玄梨。貽我碧藕。贈我返魂香。酌我療髓酒。龍縞繫
我足。烏爪垂我手。綠玉裝我杖。紫帔結我綬。肉芝充我
腸。璫酥適我口。左顧鬱嬪。右盼婉羅。青娥低笑。媚蘭微
醺。吹弄玉之參差。拊雙成之雲和。飛瓊折腰。而巧舞瑤
英。啓齒而長歌。歌曰。金醴酒。今玉鸞。笙送君子。今芙蓉。
城何以贈之。今白雲。英英。荅歌曰。碧柰花。今絳霞。實別。

佳。人。今。雲。杳。室。何。以。報。之。今。清。風。瑟瑟。歌。未。畢。三。中。子。
听。然。而。笑。據。几。而。起。曰。仙。乎。仙。乎。其。樂。婆。娑。飄。然。高。飛。
愁。如。予。何。